



INSTITUT
ZA ISLAMSKU TRADICIJU BOŠNJAKA

Poziv za dostavljanje svjedočanstava o dijasporalnom ili migrantskom identitetu:
USLIKAJ SVOJE DIJASPORALNO ISKUSTVO!

Institut za islamsku tradiciju Bošnjaka u aprilu, 2015. godine organizira Međunarodnu konferenciju pod nazivom **"Dijasporalni i migrantski identiteti: društveni, kulturološki, politički i religijsko-duhovni aspekti"**.

Ekonomska, politička i prisilna migracija odavno je prisutna u stvarnosti Balkanskih muslimana. U druge krajeve koje su naseljavali nosili su sa sobom iskustvo života na razmeđu između svjetova. Od 60-tih godina 20. stoljeća godina naovamo ekonomske i političke migracije Bošnjaka oblikuju se u smjeru zapadnih zemalja a 1990-tih godina strahote rata u BiH uzrokuju i prisilnu emigraciju bosanskohercegovačkog stanovništva. Nakon rata ekonomska i obrazovna migracija također su prisutne među stanovništvom BiH.

Kada je riječ o Balkanskim muslimanima, u ovom smislu posebno su značajne rasprave o „evropskom islamu“, njihovoj islamskoj tradiciji, integritetu, doprinosu ali i izazovima pred njima, posebno u pogledu druge i treće generacije. Jednako tako pitanja očuvanja, razumijevanja ili transformacije njihovog etničkog, vjerskog i nacionalnog identiteta važna su za šire razumijevanje stanja u kome se oni danas nalaze. Ova konferencija stoga ima za cilj tematizirati dijasporalne i migrantske identitete te okupiti i umrežiti naučnike i istraživače koji se bave ovom tematikom.

U sklopu konferencije planiran je i izložbeni salon na kome će se kroz izložbu ličnih fotografija ukazati na kompleksnost dijasporalnog iskustva naših građana i građanki. Iste fotografije bit će korištene i za izradu plakata i promotivnih materijala za konferenciju. **Ovim putem pozivamo sve vas koji ste živjeli ili živite izvan BiH da nam dostavite fotografisane vaše uspomene na to iskustvo ili druge fotografije koje ukazuju na kompleksnost i višestrukost socio-kulturne i religijske dimenzije života migranata.**

VAŽNO je da fotografija na kojoj su neki predmet, dokument, događaj ili prizor sama za sebe (uz kratko objašnjenje) ukazuje na višeslojnost identiteta ljudi u dijaspori. To može biti izbjeglički karton, pismo Crvenog krsta, fotografija pasoša, pozivnice na vjenčanje, školske fotografije, ili nešto drugo što odražava navedeno iskustvo. **Poziv je otvoren od 15.12.2014. do 15.01.2015. Fotografije i popratno objašnjenje šaljite u inbox Facebook grupe: <https://www.facebook.com/pages/Uslikaj-svoje-dijasporalno-iskustvo/757925407623982?sk=timeline> ili na email Instituta info@iitb.ba.**

Sve fotografije koje odgovaraju gore navedenom opisu bit će postavljene na Facebook grupu a odabrane fotografije će biti u velikom formatu izložene u izložbenom salonu tokom konferencije (uz kratko, prigodno pojašnjenje) te korištene za izradu plakata i promotivnih materijala. Više o konferenciji možete pročitati [ovdje](#). Ukoliko se želite prijaviti za prisustvovanje konferenciji to možete [ovdje](#).